

Nowodhow an Seythen

28/07/2008

Gwren dalleth gans nowodhow splann yn gwir. DEFRA a wra skodhya an pasti y'n kaskyrgħ rag savla dhifresys Europek.

Mars yw hemma res dhe'n boos hengovek a Gernow... ny yllir gul pastiow yn-mes a Gernow... ha' ga henwel 'Kernewek'.

Pur a vri yw hemma awos bos pastiow negys posek yn erbysieth Kernow, ha gans an savla ma, defresya a wra lies pobti, gwerthji, hatiek y'n ducheth.

**

Kevres a guntelyansow keskusulya veu synsys y'n seythen yw passyes war an furv skrifys savonek.

Presentyans veu res war an ober gwrys seulabrys gans sodhva an taves, pandr'ma ow hwarvos lemmyn, hag yth esa chons a brofy a medrasow ragan termyn vynn dos.

Dhe les o klewes bos tomm als a hwithrans gwrys ...ha lemmyn bos an taves war an fordh wor'tu ha'n skolyow.

**

Ni a glew bos pris an logo nowyth dhe'n Konsel Unn-Kernow hanter milvil peuns. An merk veu desinys haval orthflamm... byttagħiex yma krodhval bras drefen na vynn lies huni kelli an bezonts, na an balores.

Warlergh nebes krodhegyon... an logo nowyth yw kepar ha blew Amy Winehouse po Don King.

An kost bras yw awos bos edhom a wul an logo war lytherow, unformow hag arwodhyow.

**

Yma let bras erbynnekk drehevel kowlloskva yn Kernow Gres.

Konsel Rostormol re votyas erbynnekk towl Sita.

Bagasow glas a lever bos an drehevyansr e vrás hag a wra distrui an kyrghynnedh. Res yw dhe Gonsel Kernow votya war an towl kyns es bos po degemerys po nahys.

**

A yll Rysrudh ledya polisi Breten Veurek war yonkers wyls?

Yma'n kreslu y'n dre ow synsi curfew ombrofyek dres an dy'golyow hav.

I re wovynnas orth kerens war unn estat dhe witha aga fleħes a-ji y'n gorthuher.

Yma kresluyow a-hys Breten Veur ow mires orth an dowlen ma yn unn waytya bos gorthyb dhe asbos.

**

Yma'n kevarwodhyas Tori ow spena y dhy'golyow omma yn Kernow.

Yma David Cameron ha'y deylu godrigys orth Lannwedhennek.

Ev a dheuth dhe Gernow a-gynsow rag vysyt sodhogyl.